

## ■ EDITORIAL

# Fake ha pliras fassettas

DA RITA CATHOMAS-BEARTH

Tgi che di che fake na saja betg fake quinta fake. Ma uschè simpel n'è quai gnanc. Mintgatant po ina nunvardad esser impurtanta. A tgi avessi nizzegià sche Pieder avess confermà ch'el saja in giuvnal da Jesus? Probabel fiss er el vegnì vi da la crusch. Ma tge è vardad, sa dumondan ins cun Pilatus.

Quanta dolor vegn en il mund entras quels che pretendan d'avair la suletta vardad. E quant malgiustia, malsegirtad

e disfidanza entras il fake che vegn dera-sà di per di en ils pli divers secturs daper-tut sin il mund.

Tgi che vegn traplà cun manzegnass, a quel han ins grev da crair. En noss temp da l'infurmaziun sperta, superficiala e globala creschan desorientaziun e malsegirtad ad in crescer. Oz èsi pli urgent e difficil che mai da zavarar tranter quai che po valair e quai ch'è manipulaziun.

Quests «accents» èn ina mudesta emprova da reflectar davart quest fenomen.